

А Ж Р И М

(Даъво аризани кўрмасдан қолдириш тўғрисида)

Каттақўрғон шаҳри

2023 йил 5 октябрь

Каттақўрғон туманлараро иқтисодий суди, судья Ж.Юсуповнинг раислигида, судья ёрдамчиси И.Улжаевни суд мажлиси котиблигида, Каттақўрғон туман фермер, деҳқон хўжалиги ва томорқа ер эгалари кенгаши даъвогар “Мангарон унумдор Замин-ҚМХ” фермер хўжалиги манфаатида жавобгар “Kattakurgan Cluster” масъулияти чекланган жамиятига нисбатан берган даъво аризаси асосида қўзғатилган иқтисодий ишни “Каттақўрғон пахта тозалаш” АЖ биносида, очиқ сайёр суд мажлиси муҳокамасида, жавобгар вакили Б.Раббимов (ишончнома асосида) иштирокида кўриб чиқиб, суд қуйидагиларни

а н и қ л а д и :

Каттақўрғон туман фермер, деҳқон хўжалиги ва томорқа ер эгалари кенгаши (матнда Кенгаш деб юритилади) “Мангарон унумдор Замин-ҚМХ” фермер хўжалиги (матнда даъвогар деб юритилади) Каттақўрғон туманлараро иқтисодий судга даъво ариза билан мурожаат қилиб, “Kattakurgan Cluster” масъулияти чекланган жамияти (матнда жавобгар деб юритилади) дан 259 698 968 сўм асосий қарз, 129 849 484 сўм пеня ва 57 165 575 сўм 15 фоизлик устама ундиришни сўраган.

Суд муҳокамасининг вақти ва жойи тўғрисида тегишли тартибда хабардор қилинган Кенгаш ва даъвогар узрсиз сабаблар билан суд мажлисига вакил иштирокини таъминламади.

Суд мажлисида иштирок этган жавобгар вакили, судга ариза тақдим қилиб, Кенгаш ва даъвогар узрсиз сабаблар билан суд мажлисига келмаганлиги сабабли даъвони кўрмасдан қолдиришни сўради.

Ўзбекистон Республикаси Иқтисодий процессуал кодекси (матнда ИПК деб юритилади) 107-моддасининг 6-бандига кўра, даъвогар биринчи суд мажлисига келмаган ва ишни ўзининг иштирокисиз кўрилиши тўғрисида арз қилмаган бўлса суд даъво аризасини кўрмасдан қолдиради.

Кенгашнинг даъвогар манфаатида берган даъвосида ишни Кенгаш ва даъвогар иштирокисиз кўриш тўғрисида ариза тақдим қилинмаганлиги сабабли, суд ИПК 107-моддасининг 6-бандига асосан даъво аризасини кўрмасдан қолдиришни лозим топди.

Ўзбекистон Республикасининг “Давлат божи тўғрисида”ги Қонунига кўра Кенгашнинг давлат божи тўловидан озодлигини инобатга олишни ва почта харажатларини зиммасида қолдиришни лозим топди

Юқоридагиларга асосан ва Ўзбекистон Республикаси Иқтисодий процессуал кодексининг 107, 118-моддасига ва 195-моддасига асосан суд

а ж р и м қ и л д и :



Каттақўрғон туман фермер, деҳқон хўжалиги ва томорқа ер эгалари кенгаши даъвогар “Мангарон унумдор Замин-ҚМХ” фермер хўжалиги манфаатида жавобгар “Kattakurgan Cluster” масъулияти чекланган жамиятига нисбатан берган даъво аризаси кўрмасдан қолдирилсин.

Олдиндан тўлаб чиқилган 33 000 сўм почта харажати “Мангарон унумдор Замин-ҚМХ” фермер хўжалиги зиммасида қолдирилсин.

Ажримдан норози бўлган тарафлар Каттақўрғон туманлараро иқтисодий суди орқали Самарқанд вилоят судига бир ойлик муддат ичида апелляция тартибида шикоят қилиниши (протест келтириш) мумкин.

Судья

Ж.Юсупов

